



Inatsisartuni ilaasortaq, Siverth K. Heilmann, Atassut
/maani

**Inissianik iluarsaassisarneq pillugu § 37 naapertorlugu apeqquteqaammut
2020-137-mut akissut**

24-08-2020
Suliaq nr.: 2020 - 13812
ID nr. 56024951

Asasara Siverth K. Heilmann

Inatsisartut suleriaasianni § 37 naapertorlugu inissianik iluarsaassisarneq pillugu Naalakkersuisunut apeqquteqaateqarputit. Apeqqutit uannit akineqartussatut innersuunneqarpoq. Apeqqutit matuma kinguliani allanneqarpoq, akissummillu malitseqarluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1:

Inatsisartut inatsisaat nr. 39 23. November 2017-meersumut piumasaqaatit il il naammassinnissimasut, kommunalbestyrelsep akuersineratigut innuttaasut illugisaminni ukiut 20-it sinnerlugit najugaqarsimasut nutarsaanissaminnut neqeroortitsinermut pisinnaatitaaffeqarput. Inatsimmili § 33 aamma § 34-mi piumasaqaatit najugaqartunut sanaartortullu suliamik aallartitsiniarnerat kinguarsaatinngorsimavoq, allaallu sanaartortussat suliassaminnik tigusisinaanerat aporfissarpassuaqalersimalluni, taamatullu nutarsaasimaneq Naalakkersuisunit qanoq iliuuseqarfiginiarneqarpa?

Akissut:

Apeqqutit imatut paasivara, iluarsaassinissamut taarsigassarsianik kommunimiit sanasunut akiliiniartarneq unammillernartortaqartoq, tamatumalu kingunerisaanik iluarsaassassat kinguaattoortartut imaluunniit sanasunit suliarineqanngitsoortartut, taamaattumillu Naalakkersuisut tamanna pillugu qanoq iliuuseqarniarnersut paaserusukkit.


Kommunit inissianik aningaasalersuisarneq pillugu Inatsisartut inatsisaanni nr. 39-mi, 23. november 2017-imeersumi aalajangersakkat malillugit taarsigassarsinissamut qinnuteqaatinik aqutsisarmata, kommunit sanasullu attaveqatigiittarnerat pillugu Naalakkersuisut oqaaseqarsinnaanngillat. Kommunit sanasullu akornanni aqqiagiinngittoqarpat, taamaattoqarnera kommunit sanasullu akornanni iluarsiivigineqartariaqarpoq, immaqa soqutigisaqatigiinnik attuumassutilinnik akulerutsitsinikkut.

Inissianik aningaasalersuisarneq pillugu Inatsisartut inatsisaanni nr. 39-mi, 23. november 2017-imeersumi § 33 naapertorlugu sanaartornermut naatsorsuutit akuerisat takutinneqarsinnaanerini iluarsaassinissamut pitsanngorsaanissamullu taarsigassarsiat akilerneqartussaapput. Suliassat naammassinerini aammalu sanaartornermut

naatsorsuutit uppersarsakkat piareernerini kommuni taarsigassarsianik akiliisarloq.

Neriuppunga qulaani allaqqasuni apeqquteqaatit akineqartoq.

Inussiarnersumik inuulluaqqusillunga

A handwritten signature in blue ink, appearing to be 'KFD 02', written in a cursive style.

Karl Frederik Danielsen